

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. VII. Sítne poßibilis creatura materialis, quæ per elevationem Deum
videat.

urn:nbn:de:hbz:466:1-13718

Omnimoda paritas in exemplis non querenda.

X.
Quapropter requiriatur ad dandum de denominationem.

dicerent sufficere posse hoc modo conservari accidentia, nec omnimodam in exemplis paritatem esse querendam. Cum ergo visio beatifica sit intellectio, oculus autem corporeus non sit capax denominationis intelligentis, cum nec sit, nec esse possit intellectus, elevari nequit ad videndum seu intelligendum Deum.

Queres, quae sit haec proportio ad effectum formalem, seu denominationem tribuendam requisita. Res. universalem aliquam hac in parte regulam esse assignata difficultem; dici tamen probabiliter potest; in hoc consistere, quod licet subiectum non petat formam, forma tamen petat subiectum, tanquam sibi connaturale: unde visio Dei dat denominationem videntis Deum anima & Angelo, non tamen lapidi, aut bruto, vel oculo corporeo, haec enim dicit nequeunt per visionem beatam vivere, cum viro non petat ab illis oriri ab intrinseco, qui est conceptus vita, ut ostendi Disp. 6. de anima sect. 4. Ab anima tamen & Angelo, utpote intellectualibus, visio beatifica oriri petat ab intrinseco. Et si hoc intelligent. Autores numero quinto relati per non procedere modo vitali, recte dicunt: Deinde, intellectus, actus aliquos circa Deum elicere naturaliter potest, oculus corporeus nullos.

SECTIO SEPTIMA.

Sitne possibilis creatura materialis, quae per elevationem Deum videat.

I.
Obj. dari posse visionem Dei corpoream.

OBJICES tertio: probare haec quidem, non posse oculum corporeum per intellectualem videre, seu intelligere Deum; quidni tamen dari possit visio aliqua corporea supernaturalis, per quam Deus representetur: quod si haec queat dari, cessat solutio haec tenus data. Hujusmodi autem corpoream visionem esse possibilem, quaeque a creatura & potentia materiali petat procedere, acriter contendit P. Arriaga disp. 5. de Anima, sect. 2. & hic, d. 6. sect. 1. & P. Valentia 1. p. q. 12. pu. 8. ait non satis constare dari non posse potentiam aliquam sensitivam, quae objectum spirituale, ipsumque adeo Deum percipiat.

II.
Implicat materialis Dei visio.

Incommoda ex visione Dei materiali provenientia.

III.
Nihil sensus materialis percipere possit spirituum.

Longe tamen probabiliter est, implicare hujusmodi creaturam materialem, & visionem corpoream qua Deum representet. Primo, quia perfectio Dei non minus postulare videtur, ut visio ipsum representans si spirituale, quam ut sit supernaturalis. Deinde, sicut Deus est Ens, & objectum omnium perfectissimum, ita visio qua circa ipsum versatur, esse debet in perfectissimo genere cognitionis. Tertio, quia, ut supradixi, sequeretur posse etiam Deum aliis sensibus, gultu scilicet, auditu, olfactu, & tactu percipi; quod sane absursum omnino videtur, Deumque ad hujusmodi brutas operationes abjecere, & earum objectum constitutere, est res planè indignissima. Quartus: si enim hanc perfectionem tribuat quis rei materiali, ut possit clare videre Deum, ergo & possibilis erit creatura corpore, quae perfecte utatur discursu, operetur libere, & id genus alia, quae nullo modo sunt admittenda.

At vero, inquis, da mihi duo contradictoria in eo quod res queam materialis & corporea, Angelum, aut rem aliquam spirituale oculo corporeo intuatur. Contraria: da mihi etiam duo con-

tradictoria in eo, quod Angelum gustet aut olfactat; quae tamen non existimo à quoquam concessum iri, sed ab omnibus maximè censentur absurdia, ipsaque eorum absurditas est virtualiter duo contradictoria. Contraria secundum: da mihi etiam duo contradictoria in eo, quod res aliqua materialis auditu percipiat albedinem. Quod si dicas, id propterea fieri non posse, quia albedo in se non continet sonum, qui est objectum adaequatum auditus; tantum dic de Angelo, in se scilicet non continente colorum, nec lucem, quae sunt objectum adaequatum oculi corporei, & visionis materialis; de hac namque in praesenti est sermo, de incapacitate enim oculi corporei ad videndum per visionem spiritualem, seu ad intelligendum, dictum est secundum præcedente.

Contra tertium: sicut enim argumentatur aliquis ostendi nequeunt duo contradictoria in eo quod detur res materialis, quae oculo corporeo supernaturaliter videat Deum; ita è contrario argumentari posset alius, ostendi nequeunt duo contradictoria in eo quod sit series quedam operationum, & proprietatum, ita spectans ad substantias spirituales, ut communicari nequeat ulli rei materiali; quae, oro, in hoc implicantia? Sanè hac in re non existimo facilè ostenditur iri duo contradictoria. Jam vero si ulta sint hujusmodi operationes propriæ substantiarum spiritualium, haec maximè, quæ dignitatem quandam & perfectionem præ se ferunt; nempe, ut discursu, operari libere, elevari ad videndum Deum, &c: haec enim nullum ordinem ad corpus dicunt, aut ad res materiales, ut recte ostendit Lessius de Immortalitate animæ, numero quinto, septimo, & octavo, suntque ex modo procedendi perfectissimæ.

SECTIO OCTAVA.

An de facto detur clara Dei visio: & an in hac vita cuiquam fuerit communicata, aut communiciari potuerit.

Q UOD primum: quamvis dubitarint aliquando nonnulli, etiam ex SS. Patribus, utrum ulti ante extremum judicii diem essent Deum visuri, immo ob quadam obscura Scripturæ loca id omnino non futurum assertuerint: jam tamen fide certum est, & Ecclesiæ calculo firmatum. Concilium quippe Florentinum in literis unionis inter Latinam & Græcam Ecclesiæ, id expellit definitivæ, ubi dicitur, animas eorum, qui in gratia descendunt, ubi purgata fuerint, in celum mox recipi, & intueri claram ipsum Deum Trinum & unum, sicut est. Quod idem declaravit Benedictus duodecimus, nec de eo amplius Orthodoxorum quicquam dubitat.

Quod secundum: utrum scilicet in hac vita quicquam Deum viderit, aut videre possit: de possibili non videtur dubium, cum Christi anima Deum in mortali corpore viderit, nec à primo ad ultimum vitæ infans visionem illam unquam intermisserit. Quod autem anima illa verbo hypostaticè fuerit unita, nil quod præfens refert; nec enim unio hypostatica dat possibilitatem visionis in corpore mortali, sed facit ut visio Dei fuerit anima illi connaturaliter debita. Hinc ergo apertum redditur, visionem claram Dei stare divinitus posse cum mortalitate corporis, esto connaturaliter corpori unito.

Alioqui auctoribus posse percipere ab albedinem.

IV.
Non implicat series adaequationum propriæ substantiarum.

I.
Certum est, multorum animas à corpore separatas, Deum videare.

II.
Possit ergo in hac vita Deum videre.